

## Maid son bargá?

Son lihkká go boktindiibmu čuodjá. Dalle son njuike dalánaga seanggas ja rahpá lása. De son nuolada, basada rišus ja gárvoda. Dan manjá son lohká áviissa. Son vuordá ahte deadjačáhci duoldá. Dasto son juhká deaja ja borrá vuodjaláibbi. De son fuomáša ahte ferte vuolgit. Son vázzá bargobáikái girkosiidna guovddáži, gosa lea beannot kilomehtera.

Son bargá kántuvrras gávccis njealji rádjái. Barggus son geavaha olu dihtora. Son borada beal guovtti áigge unna káfeas bargobáikki lahka. Dasto son juhká gáfe. Vehá ovdal go diibmu lea njeallje son loahpaha barggu, jáddada dihtora ja ordne bargobeavddi. De son vuolga ruoktot.

Ruoktomátkkis son manná gávpái ja oastá biepmu. Go son bohtá ruoktot, de su beana vuordá su doppe. Son manná dainna olggos vázzit diibmobeali. Dasto son málesta ja borada. De son velleda senjii ja oadđá veháš áigge.

## Maid son bargá eahkedis?

Na, vuossárgga/mánnodaga son speallá dolgespáppa, máŋnebárgga/distaga čuojaha piáno rávesolbmuidskuvllas, gaskavahku lohká engelasgiela ja duorastaga sávnoda. Bearjadaga son fitná skihpáriin boradeamen restoránjas. Muhtumin son geahččá TV:a dahje guldala musihka. Duollet dálle son hálešta/humada telefonna mángga diimmu dahje lea somes.

Naba sotnabeaivve? Dalle son vuoiŋgasta. Geassit váccaša ja dálvit čuoigá meahcis. Son ráhkista luonddu go doppe lea nu jaskat ja ráfálaš. Muhtumin dálvit gal gullo mohtorgielká. Dávjá son goargnu duoddarii vai oaidná Sámi čáppa duovdagiid.

lihkkat	herätä	ordnet	järjestää
čuodjat	soida	doppe	siellä
njuiket	hypätä	dainna	sen kanssa
dalánaga	heti	velledit	mennä maate
rahpat	avata		
nuoladit	riisua	čuojahit	soittaa
basadit	peseytyä	rávesolbmuidskuvla	kansalaisopisto
gárvodit	pukeutua		
duoldit	kiehua	jaskat # jaskes	hiljainen
beannot	puolitoista	ráfálaš	rauhallinen
		goargnut	kiivetä
rádjái	asti, saakka	vai	jotta
dasto	sitten	duovdagat, duovdagiid	maisemat, maisemia
jáddadit	sammuttaa		